



Yuav li cas mus Thov Koj Daim Ntawv Tsav Tsheb Hauv Minnesota

Daim Ntawv Tsav Tsheb rau Tagnrho Sawvdaws

How to Apply for Your MN Driver's License - Driver's Licenses for All

Kuv ua puas tau ib daim ntawv tsav tsheb?

Txij lub Kaum Hli Hnub Tim 1, 2023, txhua tus neeg laus hauv Minnesota muaj feem mus thov ib daim ntawv tsav tsheb me Class D. Tsis muaj ntaub ntawv nyob tebchaws no tsis uas cas. Koj daim ntawv tsav tsheb tsis muaj qhov kij txog yog xam xaj lossis ntaub ntawv nyob tebchaws no.


Daim ntawv no yog rau cov neeg tsis tau muaj ib daim ntawv tsev tsheb dua lossis muaj daim ntawv tsav tsheb nyob rau lwm tebchaws.



Xaiv Daim Ntawv Tsav Tsheb Koj Xav Tau

Koj muaj peb txoj kev xaiv: Daim ntawv tsav tsheb me, Daim ntawv tsav tsheb me thiab qhia tias koj yog xam xaj nkag mus tau lwm tebchaws lossis Daim ntawv tsav tsheb thiab ID uas pub koj ya dav hlau thiab nkag tsoom fwm cov tsev haujlwm (REAL ID). [Koj mus saib tau](#) hauv Minnesota Driver and Vehicle Services lub vassab ntawm <https://dps.mn.gov>.

Cim Cia: Rau Daim ntawv tsav tsheb me thiab qhia tias koj yog xam xaj nkag mus tau lwm tebchaws lossis Daim ntawv tsav tsheb thiab ID uas pub koj ya dav hlau thiab nkag tsoom fwm cov tsev haujlwm (REAL ID), koj yuav tsum muaj povthawj tias koj yog xam xaj thiab muaj ntaub ntawv nyob tebchaws no.



Nyeem thiab Kawm Phau Ntawv

Koj [mus nyeem tau phau ntawv online](#). Lawv xeem seb koj puas paub thiab totaub Minnesota txoj kev tsav tsheb thiab cov paib kev. Koj mus [kawm xeem dawb ntawm online](#).



Ua Ntawv Thov Ua Ntej thiab Teem Sijhawm mus Xeem Daim "Permit" Tsav Tsheb

Nias rau "Pre-Apply for a Driver's License" ntawm [Minnesota Driver and Vehicle Services \(DVS\)](#). Ua ntawv thov ua ntej yuav muaj feem ua rau koj qhov sijhawm tos tom hoobkas luv dua. Nws kuj pab tau kom koj tau tagnrho cov ntaub ntawv koj yuav tsum tau rau koj daim ntawv tsav tsheb.

[Nrhiav lub chaw xeem ze koj](#) ua muaj kev xeem daim "permit" tsav tsheb. Hauv qab "Service," nias "Class D Knowledge Test." Daim ntawv qhia cov chaw no hais tias koj yuav tsum tau teem sijhawm mus xeem lossis cia li mus xwb. Yog koj xav teem sijhawm, nias rau "Schedule an

Appointment” ntawm [DVS home page](#). Koj kuj hu xovtooj ntawm (651) 284-1234 mus teem sijhawm thiab.

Cim Cia: Koj yuav tsum muaj daim ntawv povthawj txhais txhua daim ntawv yog lwm hom lus mus rau lus Askiv.

Mus tom DVS



Xeem Daim “Permit” Tsav Tsheb

Thawj ob zaug koj mus xeem daim ntawv “permit” yog dawb xwb.

Yog koj xeem tsis dhau daim “permit” tsav tsheb, koj yuav tsum tau them \$10 txhua zaug koj rov mus sim dua. Siv tshev, money order, lossis nyiaj ntsuab. Feem ntau lub hoobkas kuj txais debit thiab credit cards. Cov nqi muaj feem hloov. [Saib no ua ntej koj mus](#).



Xeem kom Dhau Kuaj Qhov Muag Pom Kev

Lawv muaj cov tshuab xeem qhov muag pom kev tod. Yog hais tias koj ib txwm koj tsov iav lossis “contacts” looj qhov muag, koj koj tau mus xeem. Yog koj xeem poob tsis pom kev, lawv yuav kom koj mus ntsib ib tug kwv kho kuaj qhov muag.



Mus thov koj Daim “Permit”

Koj muaj feem mus thov koj daim “permit” ua ntej koj mus tsev. Lossis koj mam li mus thov tom qab [ntawm lub hoobkas nyob ze koj](#). Lawv muab ib daim ntawv “permit” rau koj siv kom txog thaum xav koj daim tseem “permit” tuaj txog. Yuav siv sijhawm li ib hlis. Koj daim “permit” tsav tsheb siv tau 2 xyos thiab rov mus kho dua tshiaib tsis tau. Nws cia koj tsav tsheb yog muaj ib tug neeg muaj daim ntawv tsav tsheb 18 xyoo lossis laus dua nrog koj nyob hauv tsheb. Nco tsoom nqa nrog koj thaum koj mus xyaum tsav tsheb.

Thaum Koj Tau Koj Daim “Permit”



Xyaum Tsav Tsheb

Yog koj muaj 18 xyoo es muaj daim “permit,” koj yuav tsum xyaum tsav tsheb kom tsawg kawg yog ntev li 6 hli ua ntej mam li teem sijhawm mus xeem tsav tsheb. Yog koj muaj 19 xyos rov saud, koj yuav tsum tau koj daim “permit” kom tsawg kawg yog ntev li 3 hli ua ntej mus xeem tsav tsheb. Yog koj muaj daim ntawv tsav tsheb txawv tebchaws, tej zaum koj yuav tsis tau tos ua ntej yuav teem sijhawm mus xeem tsav tsheb.

Cim Cia: yog koj xav tau kev pab tsav tsheb koj yuav tau mus saib online. Tej zaum koj nrhiav tau cov xibfwb qhia tsav tsheb los ntawm cov tsev kawm ntawv high schools.



Teem Sijhawm Mus Xeem Tsav Tsheb (kuj hu uas Xeem Kev Txawj)

[Nrhiav lub chaw xeem ze koj](#) uas muaj qhov xeem daim ntawv tsav tsheb. Hauv qab “*Service,” nias “Class D Road Test.” Daim ntawv no qhia cov chaw xeem thiab seb koj puas tau teem sijhawm ua ntej mus xeem lossis cia li mus xwb. Yog koj yuav tsum tau teem sijhawm, nias “Schedule an Appointment” nyob ntawm [DVS home page](#). Koj kuj hu xovtooj teem tau ntawm (651) 284-1234.

Tej zaum teem sijhawm yuav nyuaj. Teem sijhawm kom tsawg kawg los 3-4 lim tiam lawm tom ntej.

Rov Qab Mus Tom DVS



Mus Xeem Tsav Tsheb

Koj mus [kawm ntxiv txog xeem tsav tsheb](#) online. Nws qhia koj cov tshiab lus txog qhov mus xeem thiab cov ntaub ntawv koj yuav tsum nqa nrog koj mus. Thawj ob zaug koj mus xeem daim ntawv tsav tsheb “license” yog dawb xwb. Yog koj xeem poob ob zaug, koj yuav tau them \$20 txhua zaum koj rov xeem dua. Them nrog tshev, money order, nyiaj ntsuab, lossis hauv cov hoobkas, debit, lossis credit card. Cov nqi muaj hloov. [Saib no ua ntej koj mus](#).



Sau Daim Ntawv Thov Ntawv Tsav Tsheb

Thaum koj xeem dhau tsav tsheb lawm, sau daim ntawv thov ntawv tsav tsheb thiab them tus nqi. Tus nqi rau daim ntawv tsav tsheb “standard license” yog \$46. Yog koj xav tau daim ntawv tsav tsheb “enhanced license lossis Real ID” yuav muaj ib tug nqi ntxiv. Koj yuav tau ib daim ntawv “receipt” rau koj daim ntawv tsav tsheb thiab koj tus qhab nia xeem tsav tsheb. Ob yam no yog koj daim ntawv tsav tsheb ib ntus txog daim tseem tuaj.

Yog koj tsis tau muaj 21 xyoos, koj yuav tau ib daim ntawv tsav tsheb “license” cim tias “tsis tau muaj-21.” Nws tas caij hnuv koj muaj 21 xyoos. Koj mus thov tau daim ntawv tsav tsheb tshaj-21 3 lim tiam ua ntej koj muaj 21 xyoos. Txij thaum ntawm mus ces koj daim ntawv tsav tsheb yuav tas caij txhua 4 xyoos twg.



Xa Koj Daim Ntawv Tsav Tsheb Tuaj

Mam li xa koj daim ntawv tsav tsheb tuaj rau koj. Koj [taug qab tau koj daim ntawv tsav tsheb](#) online hauv qab “More Driver Services.”

Cov ntawv Qhia Tseeb yog qhia kom paub txoj kevcai xwb TSIS yog muab txwv yim txog txoj kevcai. Mus ntsib ib tug kws lij choj rau tswv yim. Tsis txhob siv daim ntawv qhia tseeb yog tias nws qub tshaj ib xyoos lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.

© 2026 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagnrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.

Yuav li cas mus Thov Koj Daim Ntawv Tsav Tsheb Hauv Minnesota

Daim Ntawv Tsav Tsheb rau Tagnrho Sawvdaws

How to Apply for Your MN Driver's License - Driver's Licenses for All Checklist

Daim ntawv qhia cov Kauj ruam mus Xeeb Koj Daim ntawv Tsav tsheb "Driver's License"

- ☐ Xaiv Daim Ntawv Tsav Tsheb Koj Xav Tau 
- ☐ Nyeem thiab Kawm Phau Ntawv 
- ☐ Ua Ntawv Thov Ua Ntej thiab Teem Sijhawm mus Xeeb Daim "Permit" Tsav Tsheb 
- ☐ Mus tom DVS 
 - ☐ Xeeb Daim "Permit" Tsav Tsheb 
 - ☐ Xeeb kom Dhau Kuaj Qhov Muag Pom Kev 
 - ☐ Mus thov koj Daim "Permit" 
- ☐ Xyaum Tsav Tsheb 
- ☐ Teem Sijhawm Mus Xeeb Tsav Tsheb (kuj hu uas Xeeb Kev Txawj) 
- ☐ Rov Qab Mus Tom DVS 
 - ☐ Mus Xeeb Tsav Tsheb 
 - ☐ Sau Daim Ntawv Thov Ntawv Tsav Tsheb 
- ☐ Xa Koj Daim Ntawv Tsav Tsheb Tuaj 